

.../business raport

Nagrade za
Messer BH Gas

Generalni direktor *Messer BH Gasa* Valentin Ilievski dobitnik je najvišeg priznanja *Menadžer 2011. godine - Nezavisne agencije i direkcije za izbor i promociju menadžera*, a kompanija kojoj je na čelu proglašena je najkompanijom za 2011. godinu.

U obrazloženju Stručnog žirija kaže se da je *Messer* ovu nagradu dobio za izuzetno uspješno poslovanje, za odličnu organizaciju i izvanredan kvalitet proizvoda i usluga. Kompanija *Messer BH Gas* i njen generalni menadžer ponijeli su isto priznanje i za 2009. godinu, kada je investirano 20 miliona eura za izgradnju postrojenja za razlaganje zraka u Zenici.

“Svaka nagrada je podsticaj za dalje i obaveza za bolje. Mi u *Messeru* pravimo dugoročne planove jer polažemo u budućnost. Sretni smo da su našu strategiju investiranja u bolju i stabilniju bh. proizvodnju prepoznali priznati ekonomisti i menadžeri iz BiH i regije”, rekao je Ilievski. **B**



Ilievski: Menadžer
2011. godine

OMV se povlači sa tržišta
BiH i Hrvatske

U skladu sa *OMV* strategijom, u razmatranju je prodaja maloprodajnog i komercijalnog poslovanja u Hrvatskoj (*OMV Hrvatska*) i BiH (*OMV BH*), što bi uključivalo povlačenje s oba tržišta. *OMV* strategija je fokusirati i pojednostaviti portfelj. To čuje postepeno odmicanje portfelja od prerade i trgovine naftom, prema istraživačkim proizvodima, te plinu i energiji. U tom kontekstu, krajem novembra ove godine, podružnica *OMV* u Turskoj, *OMV Petrol Ofisi*, već je prodala 52 posto udjela u kiparskoj prodajnoj kompaniji *Kıbrıs Türk Petrolleri Limited Şirketi*. *OMV* će nastaviti fokusirati na maloprodaju i komercijalno poslovanje na tržišta s integriranom opskrbom. Hrvatska i BiH ne uklapaju se optimalno u *OMV* lanac opskrbe naftom, pa se ispituju opcije prodaje tih dviju podružnica. *OMV* je u maloprodaji i komercijalnom poslovanju u Hrvatskoj aktivan od 1992. godine, a u BiH od 2001. godine. Razgovori sa potencijalno zainteresiranim stranama počeli su u sljedećih nekoliko mjeseci. *OMV* pretpostavlja da će kupac nastaviti s radom kompanija u Hrvatskoj i BiH na istom nivou prije. U isto vrijeme, *OMV* će odlučiti o strukturi svih potencijalno smanjenih investicija u poslovnim segmentima *Prerade i prodaje*, što bi do 2014. godine moglo dostići milijardu eura, a uključuje smanjenje kapaciteta *Rafiniranja i Prodajne imovine*. **B**

Reorganizacija
poslovanja kompanijeElektroprivreda BiH protiv povećanja
cijena električne energije

Javno preduzeće *Elektroprivreda Bosne i Hercegovine (EPBiH)* je protiv povećanja cijena električne energije i neće pokrenuti postupak za njeno povećanje. Kako je saopćeno, *EPBiH* ne podržava zahtjev *Elektroprijenos BiH* za povećanje tarifa za uslugu prijenosa električne energije za 20 posto, jer bi to neminovno dovelo do povećanja cijena za krajnje potrošače i time dodatno, značajno opterećenje njihovih budžeta.

“Zahtjev *Elektroprijenos BiH* smatramo neopravdanim zbog činjenice da kompanija pored ostvarenja godišnjeg profita, godinama ne vrši investiciona ulaganja u povećanje prijenosne kapaciteta”, stav je *EPBiH*.

EPBiH je mišljenja da takvim neodgovornim ponašanjem, *Elektroprijenos BiH* namjerava da limitira prekograničnu trgovinu električnom energijom već i ugrožava sigurnost snabdijevanja svih kupaca u cijeloj BiH.

“Očekujemo da *DERK* tokom aktuelnog tarifnog postupka poštuje principe profesionalnosti, izvrši detaljnu analizu zahtjeva *Elektroprijenos BiH*, svede ga u realne uvjete, odnosno ne odobri tarife kojim bi se prihvatile neefikasnosti u radu *Elektroprijenos BiH*”, stoji u saopćenju *Službe za komunikacije EPBiH*. **B**

Neopravdan zahtjev
Elektroprijenos BiH